

**COLLEGII ROMANI  
OBSEQUIA CLEMENTI  
UNDECIMO  
PONTIFICI MAXIMO.  
EXHIBITA ANNO 1703**

---

Arnold : van Westerhout



6  
10-e  
62



Ex Bibliotheca  
majori Coll. Rom.  
Societ. Jesu

---

*Ex 10, c. 12*





COLLEGII ROMANI  
OBSEQUIA  
CLEMENTI  
UNDECIMO  
PONTIFICI MAXIMO.  
EXHIBITA  
ANNO MDCCIII.



R O M Æ, +

---

Ex Typographia Jo. Jacobi Komarek Bohemi.  
SUPERIORUM PERMISSU.

*Imprimatur ,*

Si videbitur Reverendis. Patri Magistro Sac.  
Palatii Apostolici .

*D. de Zaulis Episc. Verulanus Vicesgerens .*



*Iterum Imprimatur .*

Fr. Paulinus Bernardinus Ord. Prædicatorum  
Sac. Pal. Apost. Magister .

BEA-

BIBLIOTHECA  
ROMANA  
VICTORIO EMANUELE




CLEMENTI  
Collegium Romanum



XI. PONT. MAX.  
Societatis Iesu.

Arnoldus van Wyterhout fec. Roma





BEATISSIMO PATRI  
CLEMENTI XI  
*Collegij Romani Patres*

FELICITATEM.



Unquam tam læta in  
alienas sese laudes effu-  
dit Romani Nostri  
Collegij Pallas, quàm  
cùm in tuas, BEA-  
TISSIME PATER.

Quantum enim tibi laudum tribuit,  
tantundem tribuere sibi putat, quæ  
te Pontificem Maximum, maxi-  
mumque exemplar Pontificum Or-  
bi terrarum peperit universo. Quid  
enim

enim huic Gýmnasio, unde aliquos  
olim habuisti in litteris magistros,  
omnes in virtute, ac pietate disci-  
pulos felicius contingere, aut glorio-  
sius potuit, quàm Auditorem suum  
Gentibus omnibus dedisse Docto-  
rem? Quî igitur fieri potuit, ut non  
aliquando tandem gaudium illud,  
quod jam nostra pectora capere non  
valebant, in publicam gratulatio-  
nem erumperet? Serò id quidem;  
sed quò seriùs, eò plenius, ac de serâ  
magis consideratione maturius: ut  
gratulatio ista non ex impetu prode-  
at, non ex usu, & consuetudine, qua-  
lem vulgus novis, lætisque omnibus  
tribuere solet; nec incertæ spei, sed  
rebus præclarè gestis, expectationi af-  
fatim jam respondentibus tribuatur.  
Quia verò pro tam ingenti dignitate,  
quæ

quæ de tuâ nobis accessit, ac pro cunctis inde provenientibus bonis pares referre grates soli minimè possumus; ideo nonnullas è tuis laudibus partim solutâ, partim vinctâ numeris oratione, non modò voce ad præsentēs, verùm etiam typis ad absentes, & posterōs publicatas voluimus, ut provocatis, excitatisque communibus grantium Populorum acclamationibus, nostros plausus, quantùm plurimum licuit, augeremus. Ut autem quæ bona Deus O. M. in te nobis, cunctisque Gentibus largitus est, in longam perpetuentur ætatem, aliud nihil, nisi longam tibi, eandemque prosperam vovemus ætatem. Aliorum vota pro ut quisque indiget, aliò spectant, precibusq; in diversum euntibus Divinam accersere beneficentiam

tiam suæ quisque indigentiae student. Sunt qui annonæ vilitatem; sunt qui rerum omnium affluentiam, qui pacem, qui incorruptam Justitiæ administrationem, qui præmium virtuti, qui poenam vitio, sed clementiâ mitigatam, qui Fidei, qui Religionis, qui Pietatis augmentum sibi exoptent, Numenque ad ea impetranda propitiare conentur. Nos verò quamquam desiderare nunc ista non finit Providentia, Virtus, & Felicitas tua, eorum tamen omnium perennitatem optantes, uno speramus voto impetraturos, si tibi, quam à Superis enixè poscimus, perfectam in annos plurimos incolumitatem impetremus. Vale, & in tuâ salute communem ferva.

CLE-

CLEMENTI XI.  
PONTIFICI MAXIMO.

O R A T I O  
PANEGYRICA

H A B I T A



IN AULA MAXIMA

ROMANI COLLEGII SOCIETATIS JESU

A JOSEPHO IGNATIO CHIABERGE

*Ejusdem Societatis.*



I GRATULATIONIS, quam  
OPTIMO PRINCIPI tot  
nominibus debitam sol-  
vimus, excusandam in  
præsentia tarditatem  
arbitrarer; EMINENTIS-  
SIMI ECCLESIAE PRINCIPES; argumenti  
in primis magnitudinem accusarem:

A

pro-

Sera Gratu-  
latio repre-  
hendi non so-  
let. *Cic. epist.*  
*fam. l. 2. ep. 7*

proferrem deinde Romani Oratoris sen-  
tentiam, negantis videlicet seram gratu-  
lationem reprehendendam videri: quodd  
ea minùs in adulationis suspitionem  
vocetur, quodd verior esse, ac plenior  
soleat: cum è contrario laudatio præ-  
propera spei vulgo plus, quàm rei af-  
ferat, & Virum magnum promittat  
potiùs, quàm exhibeat. Verùm ex-  
cusationes istas à me nemo vestrum,  
AUDITORES, opinor, desiderat, qui-  
bus explorata jampridem est, atque  
perspecta Sanctissimi Modestia Pon-  
tificis, honores, laudesque aversan-  
tis, & generosâ quadam ingentis animi  
indole detrectantis. Sed pace Tuâ dixe-  
rim, CLEMENS PONTIFEX MAXIME:  
Diu satis obsequuti Modestix Tuæ su-  
mus. Cedas affectibus nostris, oport-  
et. Nostrum hoc obsequii, venera-  
tionis, ac si fas dicere, amoris qua-  
lecumque tributum tandem exoratus  
accipias, necesse est. Fuerit Modera-  
tionis Tuæ, quod tamdiu obstiteris:  
Ejus-

3

Ejusdem profectò esse debet , quod aliquando vincaris . Quoddam enim genus immanitatis esset ; si tam grave nobis silentium , ac pudorem , quo suffundimur , juberes esse perpetuum . Pudet enim , quod tamdiu passi fuimus silere liberales Artes , hujus Romani Lycei felices incolas , quæ primum occupare debuerant gratulandi locum . Hoc unum illis erat votum : Et quidem quale optabilius , aut equius votum ? Quàm enim decebat præclarissimas Artes , quæ Magnum Te olim Alumnum exceperant , Patronum deinde studiosissimum , mox Principem fenserant , ac Parentem suum ; quæ ex incremento Dignitatis Tuæ tantam suæ pariter dignitati accessionem factam esse intellexerant ; Quàm , inquam , decebat , ut Tibi statim gratularentur ac sibi ? Æquissimum erat ; ut qui tantopere illas commendas , ab illis pariter commendareris . Verùm ubi fensere , tamdiù Te invitum , ob-

luctantemque, non nisi magnâ vi, ac deprecatione multâ ad suscipiendum Orbis Catholici Regimen cogi potuisse, nec satis post susceptum Dignitati acquiescere; ingenti stupore defixæ; dolorisque Tui participes, quod se verterent, quid consilii caperent, ignorabant. Quid enim facerent? Gratularentur felicitati Tuæ, quam infelicitatem Tuam quodammodo interpretaberis? Dolorem acuit, qui dolenti gratulatur. Gratularentur felicitati nostræ? Sed quæ poterat esse felicitas nostra dolente Te? Non secus enim ac Tu sine nobis, ita nos sine Te felices esse non possumus. Quid itaque reliquum erat; nisi ut erumpere gestientem lætitiâ gravi silentio premerent, atque ab omni gratulatione abstinere? Quod cum illæ facerent, jactassent merore confectæ: nisi probè intellexissent, hoc tibi chariores esse; quodd filerent. Quamquam, fidenter dicam, non omnino imperare nobis potuimus, ut



ut fileremus : sed privatim , ubi dolori ,  
 & gaudio libertas , ac locus major est ,  
 certatim invicem gratulabamur : & do-  
 mesticos intra parietes , ubi nulla fin-  
 gendi necessitas , sincero gaudio exul-  
 tabamus . Quin etiam usi , quâ licuit ,  
 opportunitate dicendi , & scribendi ,  
 testatum volumus , quid Tibi , quid  
 nobis deberemus . Ab hac tamen ce-  
 lebritate hætenus abstinendum puta-  
 vimus : ne Tibi ingrati essemus , ac  
 molesti ; dum grati , & officiosi esse  
 contendimus . Nunc verò , cùm om-  
 nium consensus , & conspiratio vicit ,  
 ut par erat , Modestiam Tuam : Ne-  
 que enim omnium Gentium æquis-  
 simis votis , & gaudiis obsistere si ve-  
 lis , potes ; nec si possis , debes : Nunc  
 enimvero ferendum non esset , ac ne-  
 mo nobis ignosceret ; si nostras voces  
 in publico isto quasi concentu deside-  
 rari pateremur . Neque esset Clemen-  
 tiæ Tuæ ; si quod aliis negare non po-  
 tes , quod omnes , etiam Te invito fa-  
 ciunt

ciunt, nobis, ad quos præcipuè attinet, prohiberes. Persolvimus itaque necessarium officii vectigal, quod si minùs Modestix Tux, CLEMENS, Tux saltem Æquitati esse gratum debet. Gratissimum certè continget tot sapientissimis, atque omni ex parte ornatissimis Viris, quorum Ego præfentiâ cohonestor, autoritate commoveor, expectatione ad dicendum impellor. Quâ enim sunt erga Te veneratione, studio, & amore, gaudent palàm audire, quod ipsi privatim sæpe gaudentes loquuntur. Adsum igitur, vestros omnium sensus ut explicem non falsus interpres, AUDITORES ornatissimi: Dicendi argumentum à vobis, ipsa propè verba mutuabor. Mirati estis, quod Pontificatum detrectaverit? Hoc primum. Gavisi, quod acceperit? Hoc alterum. Gaudeatis, quod tantâ cum Dignitate, Sapientiâ, Virtute administret? Hoc tertium erit, atque præcipuum meæ Orationis

ca-

caput. En igitur quibus veluti adumbratam coloribus vobis hodie propono CLEMENTIS imaginem. MAGNUS FUIT IN PONTIFICATU DETRECTANDO: MAIOR IN ACCIPIENDO: MAXIMUS EST IN ADMINISTRANDO.

NOSTIS pro vestra sapientia, AUDITORES, quàm suaves habeat Honor illecebras, ad conciliandos sibi hominum animos, & in sui desiderium, amoremque rapiendos. Nullum enim speciosius, nullum præstabilius inter mortalia bonum est: Sed nec mortale bonum existimaveris, quod homines ornat post funera, consecrat immortalitati. Natura ipsa tacitis quibusdam igniculis, quos nobis inserit, huic ad gloriam ardori quodammodo lenocinatur. Magnum quiddam Homo est: Dignitatis suæ sibi conscius altum quiddam spirat: & honorem, tanquam debitum excellenti Naturæ tributum spectat. Nec illos veteres miror, qui Honori Tempла posuerunt, aras

*I. Pars.*  
CLEMENS  
IN DETRE-  
CTANDO  
PONTIFI-  
CATU  
MAGNUS.

Honoris  
illecebræ.

aras tanquam primario Numini crexerunt. Quamquam quid aris, quid templis opus, quando huic Numini in illorum animis Heroum ambitio jam pridem aras extruxerat? Ibi humano sanguine, Provinciarum vastitate, Regnorum excidijs Idolum illud colebatur. Hinc factum, ut Philosophia illa vetus, atque adeo vera, & Christiana Philosophia nihil majus ad hominum commendationem excogitare potuerit; quàm si quis tam forti, tam invicto esset pectore; ut Honorem contemnere auderet. Hoc edò splendidius laudavit admiratrix Heroum suorum antiquitas; quò paucioribus meminit contigisse. Hoc in CLEMENTE quàm multi, quàm verè prædicarunt? Quàm nemo hætenus tamen laudavit satis, ac miratus est?

Quantum enim, quæso, illud est, quod repudiavit? Illam nimirum Dignitatem; quæ vicariam sustinet Supremi Numinis Majestatem, Quæ vota  
ta

ta quàmlibet ambitiosa Honor iste non implet , ac superat? Hominem , an Deum putas , quem in Aris ipsis coronandum locari , quem in Religionis quasi Domicilio , in Orbis Catholici Arce constitutum vides ? Indè sacras leges Populis , & sancta jura distribuit : Si Thronum ascendat ; strata humi Regum Majestas pedes deosculatur , leges audit , fulmina perhorrescit : Si jubeat ; audiunt Nationes universæ , Cælum ipsum obsecundat , Tartara contremiscunt . Paucis accipite supremi hujus Honoris imaginem . Sublimis Tartara pedibus calcat ; Alterâ manu Orbem Terrarum complectitur ; Alterâ Cælum attingit , ac pro libito claudit , referatque . Quàm magni est animi , Deus immortalis , Honorem istum obtinere cum possis , non quærere ; cum merearis non cupere ; cum sponte ab omnibus deferatur , strenuè , ac fortiter detrectare ?

Honor  
Summi  
Pontificatus.

Sed erunt aliqui fortasse, qui Honorem aditu primo respuant, quasi ejus inopinata luce perstricti. Erunt, qui ne ambitiosi videantur, fugiant oblatum decus: sed non procul, non diu, non constanter: eatenus dumtaxat, ut famæ consulant suæ; ut præter ipsum Honorem, Modestiae quoque laudem assequantur, qui honoris cumulus est, callidè ambitiosi, modeste superbi, superbè humiles. CLEMENS diu, constanterque talem se præbuit, qualis initio visus erat. Quàm erat optandum, ut ad Religionis nostræ splendorem, ac pompam in quodam proponi potuisset universi Orbis Theatro speciosum illud, ac triumphale certamen, quod in arcanis Comitiorum penetralibus peractum est: ubi tres integros dies, non ut magnum aliquod pararetur Imperium, sed ut augustissimum in Terris Imperium detrectaretur, hinc à PURPURATORUM PATRUM SENATU; indè ab UNIUS Constant-

CLEMENTIS  
in Honore  
detrectando  
Fortitudo, &  
Constantia.

stantia acerrimè pugnatum est, & de regnandi cupiditate utrimque gloriosissimè triumphatum? Merebantur qui deferebant, vel hoc ipso, quòd Tanto pares Imperio, in alterum transferre certarent, reluctantem cogere niterentur: perinde ac si beneficium amplissimum ipsi potiùs accipere viderentur, quàm dare. Tu verò, qui à tot maximis Viris, ac mereri se, quod dabant, consciis dignissimus, atque Optimus deligebaris, CLEMENS, merebare procul dubio jampridem oblatum decus. Iterum, ac magis promeruisti, cum illud constanter adeo, ac magnificè detrectares. Sed iterum, & tunc maximè promeruisti, cum repudiatam fortiter Dignitatem fortissimè suscepisti: ut verè tunc beneficium amplissimum non Tibi datum ab omnibus, sed à Te datum fuisse omnibus, constet.

Videas enim interdum homines, qui ab Honore capiendò refugiant,

sed conscientia imbecillitatis, quia pares oneri splendido non sunt, aut inertia, quia onus horrent. CLEMENS verò, & onus vidit, & humeris non impar vidit, & impositum ut perferret à se ipso fortiter impetravit. Adeo ut qui Magnum se Pontificatu detrectando exhibuerat, Majorem se probaverit accipiendo.

II. Pars.  
MAIOR IN  
ACCIPiendo

RECTE hoc, & sapienter, nec sine certo Divinæ Providentiæ consilio videtur comparatum esse; ut honores oneribus, onera verò honoribus temperarentur: ut honorum cupiditatem onerum molestia compesceret; onerum gravitatem honorum jucunditas recrearet. Utrisque Dignitates constant, honoribus juxta, & oneribus: Hoc tamen interest, quod honores ostentantur, onera dissimulantur. Blandum quiddam, & insidiosum Honor est: non statim ostentat onera, quæ terreant, sed Dignitatem, quæ placeat. Utamque Honoris, blandi, & seve-



severi ; læti , & molesti ; placidi foris ,  
 intus tumultuosi faciem CLEMENS  
 vidit . Detrectavit lucem , blanditias ,  
 splendorem : Onera , molestias , tumultum , & curas accepit .

Quàm est onerosum , Deus Im-  
 mortalis ! Impositam velut humeris fer-  
 re totius Orbis molem : Europam ,  
 Asiam , Americæ , atque Affricæ re-  
 motissimas gentes paterno sinu com-  
 plecti : admittere in animum omnium  
 curam Populorum : omnium pericu-  
 la , infortunia , calamitates suscipere :  
 oblitum fui Orbi Christiano vivere :  
 de tot Urbibus , & Nationibus , & Pro-  
 vinciis in vera Fide , in pace , & con-  
 cordiâ continendis diu noctuque co-  
 gitare : accipere innumerabiles undi-  
 que Nuncios , totidemque dimittere :  
 sollicitos dies , ac vigiles noctes pro om-  
 nium salute , ac felicitate transigere :  
 adversùs tot hæreses , superstitiones , ac  
 vitiâ contendere : spectaculo esse mor-  
 talibus universis , quibus rectam præ-  
 bere

Onera  
 Summi  
 Pontificatus.

bere vivendi, sentiendique normam, ac regulam Tuis ipse legibus, Tuis moribus debeas? Tot septa laboribus Dignitas an non merito debebat speciosissimis undique honoribus circumvestiri: ut honos onera vel dissimularet, vel solaretur? Si enim totam repente se proderet curarum hæc moles; Quem tantæ magnitudinis virum existimamus fore, qui suos supponere humeros vellet? Sapienter itaque Christiana Respublica dum dignitate gravissimâ Pontifices onerat, honores veluti quoddam Pietatis tributum, atque vectigal, non quidem necessarium sanctissimis Viris, æquissimum tamen, persolvendos statuit, ad laborum solatium, onerum levamen, & lenimentum curarum.

Verùm concipite animo, AUDITORES, HEROEM aliquem, supra mortalium conditionem excelsitate ingentis animi sic evectum; ut nihil extimâ captus rerum specie, ac fulgore Pontificiæ

ficiæ Dignitatis onera , curas , laboresque omnes penitus introspiciat , & immensâ quadam mentis amplitudine complectatur : Eâ insuper sit firmitate , & constantiâ munitus ; ut quantum ad promerendos honores meriti afferat ; tantum ad eos contemnendos roboris habeat ; nihil ab eorum specie , ac illecebris permoveri se , aut incitari patiatur . An eum aliquando tantam onerum molem subiturum putamus ? Si faceret ; Quem Illum esse , quâ magnitudine animi præditum putaremus ?

At Quis HEROS Ille, quem cogitastis?  
 CLEMENTEM profectò, AUDITORES, à CLEMENTE  
 probè cognita, & accepta.  
 intellexistis à me sub HEROIS istius  
 imagine rudi adumbratum . Omnes  
 Ille tantæ Dignitatis labores , onera ,  
 & curas capacissimæ solertiâ mentis de-  
 prehenderat . Quin usu ipsò , atque  
 experienciâ rerum Magistrâ tanti Ho-  
 noris jugum , tanti servitutem Impe-  
 rii , tantæ Felicitatis ærumnas fatis su-  
 per-

perque didicerat . Quâ enim erat exi-  
stimatione, Authoritate , Sapientiâ , at-  
que in consiliis capiendis dexteritate ,  
nullus incidit nodus, ad quem solven-  
dum , atque enodandum quæsitus iste  
non fuerit Alexander . Sæpe in rebus  
difficilimis , consilium , sententiam ,  
præsidium rogatus, in ea penetralia  
introidre consueverat, ubi latentes ex-  
plicat, ingentesque ingens felicitas la-  
bores , angustias , curas . Et cum tri-  
bus Pontificibus Maximis in sustinen-  
do Ecclesiæ Orbe suppetias ferret ; gra-  
vitatem oneris sensit .

Præsentium  
temporum  
difficultates .

Adde novum istis pondus : Pertur-  
bationes præsentium temporum, ca-  
lamitates , bellorum incendia , quæ Eu-  
ropæ universæ imminere jam tum sen-  
tiebamus omnes , perspicacissimo Ille  
mentis obtutu intuebatur . Navim re-  
gendam conscendit , non cum Cœli  
serenitas, ventorum favor tranquilli-  
tatem , & securitatem promitterent ;  
sed cum ingentes ubique attolli fluctus ,  
sc-

seuissimas circumundique impendere tempestates videret. Quæ nunc non sine dolore cernimus, jam Ille cogitatione præverterat: Imperia se invicem collidentia; in mutuam ruentes perniciem armatos Reges, ac Principes; Populorum clades, Urbium solitudines, vastitates agrorum, Regnorum tumultus; Religionis neglectum, metum, pericula... Sed nolo, AUDITORES, Europæ faciem tristissimam vestros ob oculos ponere: ne pietati, ac dolori vestro nimium indulgeam. Quantæ, rogo, Magnitudinis fuit, sapientem animum; nullis honorum illecebris delinitum, tot, ac tanta hujus Imperii onera planè perspecta suscipere?

Sed nondum satis de susceptis oneribus dixi. Postremum addo modestæ menti longè gravissimum. Quid illud? HONOREM ipsum, quem tanto CLEMENS abhorrentis animi nisu propellere à se, ac deprecari contenderat. Hunc subijisse nōne majus, quam

Onus omniū  
Maximum.  
Honor ipse.

quàm repudiassè fuit? Ut enim repudiare, CLEMENS; repellendæ Tibi erant honorum illecebræ: ut exciperes; ipsa honoris detrectatio, honore ipso splendidior, veluti retractanda; atque in Honore tam fortiter, tam sapienter rejiciendo velut obfirmatus animus expugnandus. Moderanda ibi honoris cupiditas: hîc sapientis animi demissio, ac virtutes quæ lucem fugiunt, superandæ. Sapientia hortabatur, ut sperneres; Moderatio, ut recusares: hoc ipsum ne acciperes, Animi tui Magnitudo, Constantia, & Modestia ipsa suadebant. Modestiam accipiendo superasti, Constantiam vicisti, Magnitudinem cumulaisti. Animum renuendo viceras: eundem iterum, jam sui victorem, jam se ipso majorem admittendo, atque impositi oneris triplicem quasi molem, tribus Gentilitii stemmatis Montibus adumbratam sustinendo, vicisti.

Dicam tamen, AUDITORES, quod  
sen-

sentio . Parùm esset Honorem probè  
cognitum detrectasse : parùm etiam  
perspecta onera suscepisse : nisi eadem  
pari cum laude perferrentur . Accedat  
hic laudi Tux cumulus, CLEMENS  
PONTIFEX MAXIME . MAGNUM TE PRO-  
BASTI HONORE DETRECTANDO : MAIOREM  
ACCIPIENDO : AT MAXIMUM GERENDO,  
ET ADMINISTRANDO TE PROBAS . MAXI-  
MUM, inquam, quia Dignitati maxi-  
mæ PAREM .

RELIQUA munia , Principatus , Im-  
peria suos habent fines , certosque ma-  
gnitudinis terminos, quos mentis ac  
virtutis præstantiâ transilire quodam-  
modo , & prætergredi possis , & susce-  
pto munere , atque honore major vi-  
deri . Sed ubi ad eam Dignitatem de-  
veneris , quæ , Vicariam Dei Potestatem  
apud homines gerens , sublime Cœlo  
inserit caput , nullisque Imperium vi-  
detur limitibus definire : Huic profe-  
ctò qui se administrando Parem pro-  
baverit ; supremum ille attigisse Ma-  
gnitudinis terminos .

III. Pars.  
CLEMENS  
IN ADMINI-  
STRANDO  
PONTIFI-  
CATU  
MAXIMUS .

MAXIMUS,  
quia PAR Di-  
gnitati maxi-  
mæ.

PAR autem,  
quia omnia  
implet Opti-  
mi Principis  
ac Summi  
Pōtificis mu-  
nia.

gnitudinis apicem dicendus est. Qui enim major excogitari animus possit, quàm qui tantum æquaverit Dignitatis fastigium, quo majus excogitari non possit? Sed quando Potestatem utramque PRINCIPIS, & PONTIFICIS MAXIMI Dignitas ista complectitur; Illum ego administrando Parem existimandum censeo, qui omnia impleat Optimi Principis, ac Summi Pontificis munia. Quæ quidem quemadmodum CLEMENS cumulatissimè impleat; non vobis, AUDITORES, quibus compertissimum est, sed Posteritati universæ comprobatum volo. PRINCIPIS est, subditorum sibi Populorum Felicitati consulere. SUMMI PONTIFICIS, immortalis mortalium omnium Felicitati prospicere. Utrumque ita CLEMENS præstat; ut vota planè nostra, spesque impleverit.

Et primò quidem Publica illa Felicitas, quæ Principis munus est, tribus planè conficitur: PACIS TRANQUIL-  
LITA-



LITATE: ANNONÆ, & ALIARUM ID GENUS  
RERUM, COPIA: BONARUM ARTIUM, cul-  
tu. Primum enim, ut sine metu viva-  
mus; Alterum, ut commodè; Postre-  
mum, ut honestè, ac laudabiliter; Tria  
hæc simul colligata, complexaque, ut  
felicissimè vivamus, efficiunt. Quam  
hujus triplicis boni, & felicitatis par-  
tem nobis optandam reliquit Tanti  
Principis Virtus, Providentia, & Fe-  
licitas? Nimirum inter circumstrepentes  
bellorum tumultus, otio jucundis-  
simo fruimur: Inter laborantes inopiâ  
Populos, omnium rerum copiâ abun-  
damus: & quæ plerisque in locis ja-  
cent Optimæ Artes, apud nos impe-  
rant, vigent, triumphant.

SATISNE illud mirari, vel potiùs  
gratulari nobis possumus, quòd Euro-  
pâ universâ bellorum incendiis estuan-  
te, sola Nostri Principis Ditio Pacis  
obtinet securitatem? Ejus confinia si  
prætereas; latè resperfos cruore cam-  
pos intueris: strata passim cadavera

1. Pacis  
conservandæ  
studium.



ex-

In gravi  
Italiæ per-  
turbatione,

exhorrescis; plurimis ubique imagini-  
bus mortis, ac terroris occurris. Si  
pedem territus referas; sua viſſimo frue-  
ris Pacis aspectu. Circumundique ob-  
strepit armorum fragor, tubarum clan-  
gor: præliantium clamores, morien-  
tium gemitus exaudiuntur. Hic si-  
lent omnia: & cum prælia, & clades  
nunciantur, quantum de aliena ca-  
lamitate dolere; tantum de felicitate  
nostra gratulari compellimur. Quis  
tantam sibi tranquillitatem polliceri  
ausus esset; cum atram illam, colle-  
ctis undique nubibus, & prægnantem  
fulminibus tempestatem, Italiæ incu-  
bantem videret; hic, illic sævissimè  
detonantem audiret? Spem quidem  
ingentem serenitatis fecerat exortum  
CLEMENTIS Sidus. Multum præ-  
sidii in Autoritate, quam Illi supre-  
ma Dignitas fecerat, par Dignitati  
Virtus cumulaverat; multum in ejus  
Prudentia, quâ rerum eventus longè  
prospicit, & mirâ dexteritate antever-  
tit;

tit; multum denique in eâ, quâ est apud omnes existimatione, apud Reges, ac Principes veneratione, & gratiâ; multum, inquam, in his omnibus ad tranquillitatem præsidii statuebamus. Sed cum effrenatam belli suapte naturâ sciremus esse licentiam: sperabamus; non sine aliquo metu, ne in proximo sæviens bellicus furor; & circumvolitans turbo, nos etiam abreptos in partem calamitatis involveret.

Ademisti nobis hunc metum, Ditionis  
Pontificiæ  
Trāquillitas.  
PRINCEPS OPTIME. Spes nostras, ac vota implevisti. Serenitatem Pacis, tranquillitatem, securitatem tenemus. Iram belli coerces Authoritas Tua; frānos imponit licentiæ; furori terminos statuit. Totâ penè bacchatur Italiâ procellosum Bellum: diras ubique tempestates, horrida parit naufragia. Sed ubi ad Ditionis Tux fines devenierit; Tuum quodammodo sentit Numen; tumentes fluctus confringit; litora deosculatur; atque in se revolutum,

tum, complicatumque decedit. Hanc belli metam, ac legem discordes licet invicem REGES, ac PRINCIPES, unanimi tamen consensu statuerunt. Eâ nimirum Virtutis, ac Magnitudinis Tuę admiratione, reverentiâ eorum animos occupasti; ut offensionem Tuam quamcumque pejorem qualibet clade arbitrentur: eâ devinxisti benevolentia; ut amorem Tuum omni victoria potiore putent. Ex hac insigni inter se diffidentium Regum, ac Principum in Te uno sincerè amando concordia, sperare in primis Pacis, quâ fruimur, perpetuitatem jubemur: Tum etiam confidimus, orituram inde Italix, atque Europę universę optatissimam Pacem, cui procurandæ tot curas impendis, tot preces ad superos, tot lachrymas fundis. Sed dum illa speratur, quantę felicitatis est, quod Nos eâ præsente letamur? Quanta hæc PRINCIPIS Gloria, quî nobis illam suis ipsius curis, laboribus, sumptibus comparavit?

Quis

Quis enim tranquillitatem in hac perturbatione temporum difficillimam nullo nobis staturam impendio sperasset? Præsertim cum videremus, ob tutandos Imperii fines communiri arces, novos conduci milites, tot Legatos, ac Nuncios ad Principes mitti, tot denique impensis à PRINCIPE, Pacis securitatem parari? Jam sublevare de nostro Ærarii difficultatem cogitabamus omnes; nec inviti: Commune commodum scilicet privato singulorum incommodo bene redemptum arbitrati. O nos supra expectationem felices! Nihil oneris impositum Populo. Nemo jussus est publicam felicitatem detrimento suo sancire. Totam hanc, quam tenemus, Pacis securitatem nobis OPTIMUS PRINCEPS suis laboribus partam, suis nutritam impendiis liberalissimè fruendam donavit. Pacem habemus magnis sumptibus partam: & ne obolo quidem pauperiores sumus. Unus pauperior factus est Prin-

Ejusdem securitas impendio solius Principis par-  
ta.

ceps. Sed ne ipse quidem. Gratulari enim sibi jure potest, suum unius esse, quod omnium est.

2. Annonæ  
copia Provi-  
dentia Prin-  
cipis fructus.

JAM QUANTA felicitatis nostræ pars est, quod in hac temporum difficultate commodissimam nobis annonæ affluentiam, & rerum omnium copiam facit? Solet Annona, non præsentis modò, sed etiam futuri temporis timore ingravescere; quin & alienæ, ac præsertim proximæ sterilitate Regionis carior fieri, ac durior. Sed Tua, CLEMENS, Providentia, atque in omnia intentus nostræ felicitatis amor, & cura maturè præcavit, ne præsentì obesset futuri temporis metus; quin ut præsens copia futuri temporis metum depelleret. Nec alienis nos conflictari calamitatibus passus es: sed eam insuper omnium rerum abundantiam, & copiam suppeditasti; ut exterorum etiam penuriæ Populorum solatio esse possit. Sed non modò Tuorum necessitati consulis; verùm etiam splendori

dori urbium , atque ornamento.

Testes Trajani Aquæductus Centumcellis à Te , ingenti opere , ac sumptu , priori Magnificentiæ , & comodo restituti . Quibus exultasse gaudiis Centumcellanos existimamus, cum tot repentè salientes peregrinas aquas viderent, quæ læto murmure obstreperantes, eo quo poterant modo, pollicebantur illis certissimè commodius commercium, frequentiores advenas, fœcundiores hortos, uberiores opes, & confirmatam clarissimæ Urbis, ac Portûs cum dignitate felicitatem? Quàm festis acclamationibus tanti Authores muneris salutavere, INNOCENTIUM XII, quodd strenuè inceptit; CLEMENTEM, quodd constanter prosecutus absolverit. Uterque enim ab illis, uterque à me in hujus confortium laudis appellandus est Princeps. Neque enim verendum est, ne quod alteri adscribimus, invidere alteri videamur. Non eum habemus Principem,

Traiani  
Aquæductus  
priori Magnificentiæ,  
& comodo  
restitutus.

pem, qui suas augeri alienis laudibus ferat; sed qui suæ pariter laudis prædicationem oderit, & alienæ silentium damnet, hoc laudabilior, quodd suæ laudis negligens laudari alterum gaudet. Commendandus itaque INNOCENTIUS, quodd dignam Principe optimo provinciam suscepit: & licèt ille non fatis ad rem perficiendam vixerit; fatis tamen ad beneficii laudem vixit: quodd perfecturus, si licuisset, inceperit.

Sed inde commendabilior es, CLEMENS, quodd in egregiis operibus, atque immortalibus non incipientis gloriam aucuparis: sed si quid ab aliis Principibus ad utilitatem publicam commodè, atque Magnificè inceptum est; in id constanter insists: & alienam laudem negligendo non invides; sed amando, ac promovendo Tuam, vel nolens, facis. At quàm Tibi peculiaris, in tanto persequendo, & absolvendo opere, laus celeritatis, atque  
Con-



Constantiæ? Jam enim laboris, ac sumptûs magnitudo in hac Ærarii, ac temporum difficultate, Spes nostras, ac vota in commodius tempus distulerant. Quid à Te jam optare, Quid sperare, CLEMENS, non liceat; si quæ nobis utilia sunt, licet difficillima, & maxima celerius præstas, quàm nos optare audeamus? Quam de Magnitudine Tua opinionem studiosi advenæ induent; cum intelligent; Anno Tui Pontificatus secundo: eo videlicet anno, quo tot labores, & curas complexus, jactatam bellis Europam componere; Imperii Tui tranquillitatem, magnis sumptibus, nullisque imperatis tributis, tutari studebas impensè, hoc, inquam, anno munera ista, usque ad antiquitatis invidiam magnificentissima, à Te liberaliter data? Sed hæc ludentis quasi Magnificentix, ac Populorum commodis consulentis opera sunt. Præstantiora, atque illustriora videamus.

Bo-

3. Auctus  
bonarū Artiū  
splendor.

BONAS ARTES videlicet, animorum decora, virtutum nutrices, Reipublicæ ornamenta, ac præsidia, Sapientiâ, Auctoritate, Munificentia intantum promovet, auget, amplificat; ut CLEMENTIS Principatus Optimarum Artium Regnum appellari meritò possit. Quando enim illis par honos habitus? Quando major in illarum Lyceis frequentia, sedulitas, ardor? Ut omnes siquæ indecoro torpebant otio Academia excitantur, & alacritate novâ vigent! Ut omnium extimulatur ingeniorum segnities, solertia exacuitur, studia inflammantur! Ut denique Artes præclaræ omnes spiritum, ac vitam splendoremque acceperere! sub eo videlicet PRINCIPLE, qui omnes ita in se uno complectitur; ut ferè excellat in singulis. Testantur egregia ab eo edita Græcæ, Latinæ, atque Etruscæ facundia monumenta. Testatur hæc Musarum Domus, CLEMENTE, Alumno quondam suo superba: ubi tot Ille,

ac

ac tanta præstantis ingenii documenta, & eruditionis dedit.

Lyceum istud intraturos ducemus per loca singula, quæ ingens Alumnus, atque Hospes implevit: omnium memores indicesque monstrabimus: Hic olim CLEMENS Græcæ, ac latinæ facundix Tyrocinia posuit: Hic Eloquentiæ rudimenta capeffivit: Hic Naturæ penetralia subtilissimè scrutabatur: Illic sacras literas, altissimaque Divinitatis Mysteria incredibili Naturam omnem prætervolantis ingenii celeritate assequebatur. Hic disertissimè perorantem, hinc Philosophica, hinc Theologica arcana explicantem sapientissimè, acerrimèque propugnantem accepimus. His artibus Ille utilissimè Pueritiam instituit; Adolescentiam constantissimè exercuit; Juventutem pulcherrimè excoluit; Provectiorem ætatem copiosissimè locupletavit. O dignum hoc apice supremi Honoris Principem, qui nunquam sibi, nunquam suis commo-

modis, nunquam cupiditatibus vixerit; sed ætatem omnem in studiis, vigiliis, curis traduxerit! Quid ad conciliandum Bonis Artibus amorem, & cultum excogitari præsentius, atque optabilius possit; quàm Princeps, illis ab ineunte deditus ætate, & earum beneficio summa omnia consequutus? Quis dubitet, maximi ab Illo faciendos, ei probandos præ cæteris, qui easdem præclaras Artes, ejus exemplo coluerint?

Sed quos insuper Authoritatis aculeos addit, cum Testis Ipse, Ipse æstimator, Ipse Laudator accedit? Quantum habent calcar? Quos animos, ac vires faciunt voces istæ? Sciет CLEMENS, æstimabit, probabitque. Sed non Tibi satis, CLEMENS, qui non laudare tantum bonarum Artium cultores, sed ornare muneribus soles. Huc enim præcipuè Munificentiam Tuam impendis; ut præstantissimas Artes ornēs, augeas, ac dites. Has Magistratibus

tibus administrandis, fungendis Legationibus, gubernandis Provinciis destinatas: & exturbatâ velut è folio Fortunâ, quæ regere, ac moderari hominum sortes vulgò solet, Felicitatis quasi arbitras esse Bonas Artes jubes. Quàm præclarè, quàm splendidè, quàm fœneratum, quod ab illis acceperas beneficium rependis? Illæ Te dignum Principatu fecerant; Tu illis Principatum donas.

Est itaque cur gratulari temporibus nostris meritò debeamus: quæ nobis eum paravere PRINCEPEM, qui Felicitatem publicam in Pacis tranquillitate, tutissimam; in rerum omnium copia, lætissimam; in bonarum Artium cultu, honestissimam; in omnium complexione, cumulativissimam procreavit.

VERUM civilis ista Felicitas umbra quædam & imago est immortalis Felicitatis, ad quam comparare nos, ac veluti manuducere Supremus Pastor, ac Pontifex debet. In hanc ergo CLE-

E

MENS

Munia Summi Pontificis  
CLEMENS  
implet.

MENS toto pondere consiliorum, totoque nisu mentis incumbit. Huc præcipuè SUMMI DOCTORIS Sapientiam, PASTORIS OPTIMI Vigilantiam SANCTISSIMI PONTIFICIS Authoritatem confert: ut ad Divinarum Virtutum studium, quæ sunt beatissimæ semina felicitatis, mortales omnes inflammet.

1. Supremi  
Doctoris.

Huc illæ Cohortationes pertinent, quibus reflorescere pristinam eruditorum Pontificum Facundiam gratulamur. Quantam Illæ spirant, quàm solidam, nativamque Pietatem? Quæ sermonis gravitas? Quæ vis? Quæ majestas? Quàm aptè congruentibus sacrarum Scripturarum oraculis confertum, ac dives Eloquentium? Quàm instructa ad docendos, quàm efficax ad permovendos animos eloquentia? Quàm digna hæc Summi Ecclesiæ Doctoris cura!

JAM ut Pastoris Optimi, atque amantissimi omnium Parentis Vigilantiam exhibet, partesque omnes cumulatissimè implet! Producerem hîc tot fan-

sanctissimas Leges, ab eo sancitas, vel confirmatas, quibus Sacris Templis reverentiam, Festis diebus cultum, rebus Divinis frequentiam restituit: Intemperantiæ modum, Licentiæ frenos imposuit: Recte puerorum institutioni, Judiciorum æquitati, omnium denique ordinum integritati consuluit. Celebrarem expurgatum Prædonibus Latium. Proferrem tot circumquaque missas, plenas consilio, Pietate, & Sapientia Literas; quibus hîc concordiam inter Principes aluit; illic Religionis integritati consuluit; alibi resurgentis Hæreseos, & perturbatione temporis ad renovandos errores abundantis audaciam retudit. Tot Legatos recenserem ac Nuncios, qui per Orbem Universum, ad remotissimas usque Sinarum plagas Pastoris optimi Vigilantiam circumferunt.

CLEMENTIS  
Vigilantia.

Sed quid longinqua Vigilantiæ Pastoralis exempla querimus cum domesticis, cum recentia suppetant? Revo-

cate in memoriam, AUDITORES, tempus illud...Horret animus meminisse. Sed quando secura est præteriti periculi recordatio: Quandoquidem, quod in nostram perniciem imminere videbatur, malum in tantam publicam utilitatem Dei Immortalis beneficio, & CLEMENTIS Vigilantiâ conversum est; meminisse nos decet; ne felicitatis nostræ, atque accepti beneficii videamur immemores. Revocate itaque in animum, AUDITORES, si tamen obliterari unquam potuit funestissima illius imago temporis, cum Terra intestino tumultu concussa, domos nostras, quasi pondus invisum excuteret; cum inconstans, ac fluctuans titubare experiremur sub pedibus solum; ruentibus similes nutare parietes, crepitantia tecta diffringi; suspensas ubique ac præcipites ruinas instare; præsentem undique intentari mortem intueremur. Fugiebamus huc illuc incerti, metu exanimes, & pallida viventium

Præsertim in  
Terræmoti-  
bus nuperis.



tium simulacra. Ubique præsens periculum, præsens ruina, præsens mors occurrebat. Quid enim usquam satis tutum; ubi solum illud, quo cætera stant, ac nituntur labat? Tum verò fugam perdidit timor, fuga perfugium.

Verùm, quod communis Parens Tellus perfugium negabat, in-CLEMENTE Parente Optimo invenimus. Hujus profectò Vigilantiæ debemus, quod tanto defuncti metu, ac periculo sumus. Quid enim omisit laboris, & curæ; ut afflictam Urbem, & consternatam erigeret; ut periculi causas, & periculum ipsum averteret? Post primam Urbis trepidationem, Orationem habuit ad Sacri Collegii Purpuratos Patres, unius noctis vigiliâ elaboratam, sed eâ cura, doctrinâ, & pietate conscriptam; ut nemo illam audiret, aut legeret, quin Pastoris Summi Vigilantiam admirabilem prædicaret. Neque hoc fatis. Statim reservavit Cælestium donorum Ærarium:

ut

ut immortalitatis arrhâ donatis non modò periculi metus minueretur; sed mors ipsa jam esset in votis. Indixit publicas preces, supplicationes, jejunia: In singulis ferè Templis tot Pietatis exercitationes instituit; ubi certatim omnes de placandi Numinis indignatione, deque confirmandis adversùs pericula, mortemque ipsam animis cogitaremus. Immensæ Orationis esset, non dicam exornare dicendo, sed vel narrando persequi tot excogitatas Artes pulcherrimas, sanctissimasque; tot sapientissima, opportunissimaque consilia, in ea rerum perturbatione tam celeriter, tam constanter, feliciterque suscepta.

Improvvisus ingentis periculi metus adeo occupare, ac perturbare animos solet; ut rebus gerendis, capiendisque consiliis minùs habiles, atque imparatos efficiat. Testes ipsi sumus, qui tam præsentis periculi metu perculsi, de nobis unicè servandis solliciti, non alie-

na tantum, sed nostra etiam oblivisceremur. Tu interim, SANCTISSIME PONTIFEX, Tui unius oblitus, de nobis omnibus cogitabas. De omnibus verò? Quin & de singulis. Quod enim hominum genus? Quæ natio? Quæ tam abjecta conditio Tuæ Vigilantiæ curas effugit? Singulos hominum ordines, gradus, officia diligentissimè recensebas: Pro singulorum salute, utilitate, solatio, quàmplurima opportunissimaque mandata expediebas: Perinde ac si, secreto quodam cum Divina Mente commercio, quæ acciderunt mala, mente jam pridem & cogitatione prospexisses, atque olim per otium tot consiliorum molem digexisses.

Quæ digna fatis hujus Vigilantiæ prædicatio? Quæ par illi esse possit grati animi significatio? Ea videlicet luctuosissimi illius temporis calamitates in gratulationis materiem convertit: & nostra ipsa pericula invidenda posteris fecit. Adeo enim repentino timore

more excitatam Romæ Pietatem confirmavit, cumulavitque; ut nulla in posterum felicior, ac dulcior futura sit; quàm tanti periculi recordatio, quæ in omnium salutem Pastoris optimi curâ felicissimè redundavit. Enimverò quando Pietatem vidimus in hac verè Fidei Arce gloriosius triumphantem? Quando tam frequens, tam assiduus ad Tempia concursus? Quàm accuratum, quàm constans rerum divinarum studium? Quàm profusa in pauperes liberalitas? Quàm denique singularia virtutum omnium, ac præsertim difficillimarum certatim, ac palàm data ab omnibus documenta mirati, & gratulati sumus? Quid memorem interdicta in posterum Bacchanalia, & scenicos ludos? Quid vana luxûs ornamenta proscripta? Quid sancta in futurum sacra, supplicationes, jejunia? sanctiorem denique vivendi normam decretam ab omnibus, ac firmiter constitutam?

Non

Non hæc Timor præstat, quem  
 haud fatis idoneum, atque diuturnum  
 novimus officii Magistrum. Habet ille  
 fatis unde gloriatur, atque superbiat;  
 quod tanti occasio fuerit Boni: Au-  
 thoris laudem præcipuam Vigilantiæ  
 Tuæ concedit, SANCTISSIME PONTIFEX:  
 sed & amor omnium erga Te since-  
 ro, qui Tibi placere, Te imitari ac  
 sequi studebat. Præibas enim omni-  
 bus exemplo, qui omnes hortabaris  
 verbo. Vidisti Roma Christianæ Pie-  
 tatis monumenta religiosissimè invi-  
 sentem: sacros gradus Reparatoris no-  
 stri cruore resperfos positis humi ge-  
 nibus numerantem: ut quot pietatis  
 osculis Dignitatem deprimere; totidem  
 gloriæ gradibus videretur attolli. Vi-  
 dimus, non humeris hominum, non  
 curru invecum, non equo insiden-  
 tem, sed ægrè propter debilitata re-  
 centi morbo crura pedibus nitentem,  
 moliri viam plurimo infectani luto,  
 atque imbriferi Cœli inclementiam de-  
 tecto

3. Sanctissimi  
 Pontificis.

CLEMENTIS  
 Pietas, &  
 exempli Au-  
 thoritas.

tecto capite dissimulantem incedere.  
 Ibat immixtus circumfusæ supplican-  
 tium Turbæ, solâ corporis Proceri-  
 tate, ac Pietate spectabilior: quæ  
 quantum se reliquis immiscere stude-  
 bat; tantò supra reliquos eminebat.  
 Vidimus Apostolorum Principis Tem-  
 plum lugubri pompâ adeuntem; ubi  
 sacris operari tantâ cum Majestate,  
 ac Religione consuevit; Jam inter il-  
 los Urbis terrores, atque discrimina  
 illachrymabatur alienis periculis: In-  
 terea sui securus, Orbe concusso, re-  
 bus Divinis constantissimè instabat:  
 & novus Moyses in suum potius con-  
 verti caput precabatur mala; ut à  
 Populo deprecaretur: seque Ipse Sum-  
 mus Sacerdos pro Populo victimam  
 offerebat. Hæc Tanti Pontificis Pie-  
 tas Tibi, Roma, ad pietatem incita-  
 mento, ad securitatem præsidio fuit:  
 & si tot circumjectis Oppidis, Urbi-  
 bus, Provinciis ingenti clade vastatis,  
 aut Telluris haustu præcipiti absorptis,  
 stas,

stas, Roma, soluta metu, & periculo, Pietate auctior; CLEMENTIS Pietati debes.

Sed non eam ego Pietatem tantummodo, quam eo calamitosissimo tempore, sed quam semper præ se tulit, loquor. Quid enim unquam nobis Ille exequendum proposuit; quod non Ipse prior sui exempli Authoritate firmaverit? Quam legem tulit; quin eam Ipse sibi prior indixerit? Quam Virtutem nobis commendatam voluit; de qua prior Ipse luculentissima documenta non dederit? Si Liberalitatem in pauperes, atque eos præsertim, quibus illa Terrarum clades adeo parùm pepercit; ut unâ dumtaxat Vitâ superstite fortunas omnes abstulerit; sed eam CLEMENS, licet jam penè exhausto, Ærario Principis imperaverat. Si Temperantiam, & Frugalitatem; Quis Eo frugalior, qui de quotidiane mensæ sumptibus ita detraxit; ut privatorum, ac plebeiorum Civium men-

fas Principis mensa non vincat? Sæpe nos ad omnia Christianæ Pietatis officia cohortatus est. Sed ut se in omnibus præbuit exemplar! An non expiandis criminibus publicè aures præbentem; egenorum pedes Pontificiis manibus abluentem; in Nosocomiis ægris fercula, morientibus immortalitatis pharmacum ministrantem aspicimus?

**Quis continere** lachrymas potuit, cum videret Pontificem Maximum ad aras accedentem; ut **OPTIMI FRATRIS** **FILIAM** immortalis Deo in perpetuum consecraret? Illam amore Tuo dignissimam cum propter eximiam virtutem, & singulares dotes haberes charissimam, **CLEMENS**, Magnæ profectò fortitudinis fuit; quoddà Te divelli permiseris: Majoris; quoddà heroicum Virginis consilium approbaveris: Maximæ; quoddà tam novo spectaculo interfueris. Quid, quoddà eo vultu interfueris, quo genialibus Hym-

me-

Fratris Filiã  
inter sacras  
Virgines Deo  
consecrat.



menē sacris interesse homines solent?  
 Quid etiam, quodd incruentam, ac  
 purissimam victimam Tuā veluti ma-  
 nu immolaveris, Idem Ipse Sacerdos,  
 & penē victima?

Hæc sanè dum præstas, Imaginem  
 Pontificis Maximi exhibes, quam de-  
 mirari quidem universa cogetur Po-  
 steritas, utinam imitari contendat.  
 Oneras futuros Principes, CLEMENS:  
 sed & Posterōs nostros. Isti enim, quodd  
 non eadem fortasse præstari videant;  
 Illi quodd eadem præstare non sine in-  
 genti difficultate possint, graviter fe-  
 rent. Sed hoc utrisque solatium esto:  
 quodd meliora sortientur tempora, quę  
 nec Tantæ Virtutis, ac Magnitudinis  
 Moderatorem postulabunt, ejusque de-  
 siderium facilius ferent. Quando enim  
 diuturno experimento comperimus,  
 hunc esse Divinæ in homines Provi-  
 dentię morem: ut pro ratione tem-  
 porum Orbi Catholico Moderatores  
 sufficiat; Nostra hæc tot inter se com-  
 pli-

plicatis pressa calamitatibus tempora  
Moderatorem planè Maximum postu-  
labant .

QUÆ CUM ITA SINT ; Eritne , qui  
adulari me putet , cùm Eum in ad-  
ministrando Pontificatu MAXIMUM ap-  
pello , quem constat , ita omnia OPTIMI  
PRINCIPIS , ac SUMMI PONTIFICIS munia  
cumulatissimè implere ; ut Supremæ  
PAREM Dignitati se probet ? Non id à  
vobis , AUDITORES , percuntor , quo-  
rum ego novi suffragia , sensus intue-  
or . Sed eritne alius fortasse quispi-  
am , quem à vobis , atque à me dis-  
sensurum putemus ? Erit ? Est pro-  
cul dubio , atque is unus est , qui re-  
clamantibus cæteris omnibus , CLE-  
MENTEM Supremæ huic Dignitati  
administrandæ imparem putat , ac præ-  
dicat . Quis Ille ? CLEMENS Ipse :  
CLEMENS unus CLEMENTEM  
imparem putat , ac veris lachrymis  
profitetur . Laudo , CLEMENS ,  
quamvis assentiri non possim . Felix  
error

error, qui Te commendabiliorem, nos feliciores facit! Quid enim felicius nobis, quid per se præstabilius; quàm Princeps ita pariter Magnus, ac Moderatus; qui se parem probet, imparem putet? Quæ vota de felicitate nostrâ suscepit OPTIMUS PRINCEPS, & SANCTISSIMUS PONTIFEX, qui cum nos PACIS TRANQUILLITATE, RERUM OMNIUM COPIA, BONARUM ARTIUM CULTU felices effecerit: cum tot SAPIENTIÆ documentis, tot VIGILANTIÆ conatibus, tanto AUTHORITATIS incitamento, tam studiosè, tam sollicitè, tam efficaciter immortalis Omnium felicitati prospiciat; adhuc tamen non satis quod suum est se præstare arbitratur?

Quò majores nos decet immortalis Deo gratias referre: quodd talem nobis PRINCIPEM, ac SUMMUM PONTIFICEM dederit: illudque enixis precibus flagitandum assiduè: ut diu servet, ac de nostris etiam Ipsius annos

nos augeat: Ipsius consilia & vota secundet atque impleat: ut Quem Virtus MAGNUM IN DETRECTANDO PONTIFICATU, MAIOREM IN ACCIPIENDO probavit; IN ADMINISTRANDO MAXIMUM non Virtus tantummodo, sed Imperii diuturnitas, & cumulatissima, quam meretur undecumque felicitas, probent. Dixi.



# APPARATUS LITERARIUS.

HA-

2UTAJA 942  
LITERARY

HABET  
 ROMANUM HOC ATHENÆUM  
 unde superbiat,  
 CLEMENS XI.  
 PONTIFEX MAXIME,  
 Memoriam Juventutis Tuæ,  
 hîc eruditæ,  
 velut in Tyrocinio ad Principatum:  
 jam tunc ingenio præmonente,  
 ut pari celeritate  
 Apicem Sapientiæ Scanderes, & Imperii.  
 VIRTUTES itaque,  
 & LIBERALES ARTES,  
 Hujus Palestræ incolas  
 In Alumni tam Ingentis obsequium  
 gratulabundas effundit,  
 eò libentiùs,  
 quò charæ Tibi olim privato,  
 Nunc chariores, quia Principi.



## HUMANITAS.

Eam imponis,  
 CLEMENS,  
 difficultatem laudandi;  
 ut de Te loqui si quis audeat,  
 ignoret Magnitudinem Tuam,  
 si non audeat,  
 Humanitatem.

## MODESTIA.

*Laudati prohibes: sed ne laudetur id ipsum,  
 Quod laudem prohibes; non prohibere potes.*

## HONORIS CONTEMPTUS.

Quem reliqui ambiunt,  
 ambit Te Principatus;  
 Sed Tu,  
 Imperio ter Maximo Major,  
 Imperium infra Te despexisti.  
 Sanè plus fuit  
 voluisse, Principatù carere,  
 quàm frui potuisse.

IN



## IN IDEM.

*Et voce, & lacrymis, Româ spectante Tiarâ  
Detrectasse, iterum promeruisse fuit.*

## ALIUD.

Cum procedens per Urbem solemnî pompa usita-  
tam Summis Pontificibus Basilicæ S. Joannis Lâtera-  
nenfis, ac Romani Pontificatus possessionem iniret.

CLEMENS, Orbis amor, sanctæ Caput, ac Decus Urbis,

Nunc tandem fas est dicere; Roma Tua est.

Roma Tua est, dicique Tuam se gaudet: amatque

Subdita felici colla videre jugo.

Sed quæ lætitiæ est pars altera; jure vicissim

Te nunc alina potest Roma vocare suum.

Hactenus extimuit; ne publica fallere vota;

Neu charum velles destituisse gregem;

Dum lucem fugiens, & blanda pericula, perstas

Respuere impositi nobile Honoris onus.

Ab quoties Illam Tua Magna Modestia torfit!

Ab quoties lacrymis visa dolere Tuis!

Nunc isti cessere metus, nunc fœdere pacto.

Tu totus Romæ, Romaque tota tua est.

Perge Tuam regere exemplis, vitæque Magistrâ,

Felix, si mores induat illa Tuos!

Perge Tuum, Roma; obsequiis, & amore fovere,

Nec Dominus melior, nec Pater esse potest.


MU-

## MUNIFICENTIA

Ob reparatum

## TRAJANI AQUÆDUCTUM.

*Secula vicerunt, quod descendantibus Alpe  
 Trajanus lymphis ædificarat iter.  
 Rudera vix restant, peregrinaque tempore longo  
 Illaudatam aliò transtulit unda fugam.  
 Ecce iterum in lucem Te, subterranea Nais,  
 Quis vocat, obliram restituitque viam?  
 Quis dedit, ut votum nautis procul æquore fias,  
 Humidaque Urbanae des alimenta siti?  
 Noscomanum. CLEMENS, cui sunt præsentia curæ,  
 Ne prorsus pereant, quæ periere, jubet.  
 Auro acuit ferrum, montanaque viscera rupit,  
 Firmior ut trames, quo veherere, foret  
 Quæ vaga currebas, Claustri jam fictilis hospes,  
 Plus prodesse potes, libera facta minùs.  
 I facilis, stabilisque fluas, Populoque juvando  
 Ne cesses unquam, à Principe disce Tuo.*



IN

*Arbiter Oceani CLEMENS stitit aquoris undas ,  
Et medium Populo per mare fecit iter .  
At modò CLEMENTIS Virtutum , & Nominis HÆRES  
Restituit Populo , quæ levet unda sitim  
Alter , & Alter aquis simul imperat : Ille marinas  
Continet , Hic dulces largiùs ire jubet .*

FRUGALITAS.

*Sola in tantos sumptus  
sufficit  
CLEMENTIS in Se Parsimonia  
Nihil Oneris Populo imponit .  
Magnificus , ut raro alii ,  
de suo .  
Augeremus saltem  
amoris vectigal :  
Sed jam dedimus totum .*

IN IDEM.

*Esurie Populi , Domini non Mensa paratur :  
Sobrietas Domini , sed Penus est Populi .*




## I N I D E M.

*Dum regnas, CLEMENS, tanta inclementia Terræ?  
 Tanta sub auspiciis Numinis ira tuis?  
 Sed verum ancipiti deceptus imagine fallor  
 Hic favor & Terræ, & Numinis, haud furor est.  
 Dum trepidat Tellus, trepidant & crimina: motus  
 Non magis iste solum, quàm pia corda quatit.  
 Felices ipsæ sunt sub CLEMENTE ruina,  
 Quæ sacro expellunt crimina prisca metu.  
 Hac mercede placent luctus, & funera. Quid non  
 Sperandum, si Te Principe damna juvant?*

## SECURITAS INTER ARMA.

*Martius Europam fragor excitat. Imperat Orbi  
 CLEMENS, & Dominâ submovet Urbe metus.  
 Sic velut ex alto, Magni Tutoris ad umbram,  
 Urbs audire potest bella, timere nequit.*



## P I E T A S.

*Ægrotis ministrat in Nosocomiis.*

*Affidet egroto CLEMENS. In Principe Patrem  
Noscimus, & fletu proditur esse Pater.*

*Turba frequens adstat circum: sed lumine sicco  
Qui lachrymas possit cernere, nullus adest.*

*Mors quoque victa foret: nisi pulchrius ille putasset  
Vitâ ipsâ coram Principe posse mori.*

*Suis precibus Iram Superûm Romæ  
imminentem avertit.*

*Sub pedibus cæco fremeret cum turbida motu,  
Concuteretque suas Terra Noverca domos;*

*Esse boni, ajebam, Superi. Si crimina causam  
Nostra satis magnam, cur pereamus, habent;  
Incluta CLEMENTIS Virtus, pia vota, precesque  
Plus multo causæ, ne pereamus, habent.*

## IN IDEM.

*Quis novus Hic sustentat Atlas ruitura Quirini  
Mania? Quis Fati par fuit invidia?*

*Magnam Urbem in casum dederant sua crimina: Tanti  
Sed libramento Principis Illa stetit.*

CON-

# CONSTANTIA.

## Inter orandum IN SACELLO PONTIFICIO,

TERRA TREPIDANTE.

*Quo Mare, quo Terras, quo temperat æthera CLEMENS  
Atque Erebo gravis est, hoc dabat ore preces.  
Saucius his Pluto fremitum dedit, oraque Fratris  
Induit, ora tamen quando Tonantis habet:  
Assimilat tonitrus, & non imitabile fulmen  
Et scissam in partes dissociavit humum.  
Sacra Domus tremuit, manet imperterritus HEROS,  
Inque solum vertit mens animosa manum.  
Imperium Manes sensere: ruina pependit:  
Romaque, momento nulla futura, stetit.*



## R E L I G I O.

## Expeditio Sinica

## ZELO RELIGIONIS.

*Oceano quæ Regna procul sunt dissita nostro ,  
 Sunt animo , CLEMENS , non procul illa Tuo .  
 Cum gravis Ausonias Mavors confunderet Urbes ,  
 Cunctaque præsentì pallida clade forent ;  
 Ad Populos mittis , quos ultimus accipit Orbis  
 Firmior , ut jungat Regna remota Fides .  
 Sic idem , Hesperia quo flebas , Optime , curas ,  
 Te quoque in Eoos sollicitabat amor .  
 Nequidquam immensum à Nobis vos abscidit æquor ,  
 O Populi : In Patris res sumus una sinu .*

## F R A T R I S F I L I A M

## Deo consecrat .

*Grande decus Romæ sacris dum sistitur aris  
 Virgo ; Triumphalis victima sponte cadit .  
 Dum cadit Illa ; Fit Ipse sacri pars magna Sacerdos ;  
 Uno & cæsa icû victima bina cadit .*

IN



## IN IDEM.

*Innuba dum Superùm sacratur Olympia Regi,  
 Quas Populus lachrymas non tenet, Ipsa tenet.  
 Cur iminota manet? Cur plus quàm Fœmina Virgo?  
 Hinc Patruum invictum conspicit, inde Deum,  
 Hujus amore mori vellet quoque: cumque reciso  
 Crine, recidendum traderet ense caput.*

## D. ATHANASII TEMPLUM

## Quotannis invisit.

*Visere dignatur CLEMENS non marmore Templum  
 Dives, Athanasii nomine grande satis.  
 Illius & supplex dum pendet imagine, sensim  
 Ingentem Heroem pectoris arce locat.  
 Addubitas? Vultum contra sua secula rectum  
 Consule; Athanasii corda negata putes?  
 Audi purpureum moderantem voce Theatrum:  
 Attonitus dices: Hic tonat ore pari.  
 Tantùm Aræ desunt, quibus Iste colatur, ut Ille.  
 Non deerunt, serò sed dare Roma volet.*




1. *Phragmites australis* (Cav.) Trin. ex Steud.

1. The first part of the document is a list of names and titles, including "The Hon. Mr. Justice" and "The Hon. Mr. Justice".

1. The first part of the document is a letter from the President of the United States to the Congress, dated January 1, 1862. It is a very long letter, and it contains a great deal of information about the state of the country at that time.

① ② ③

## LIBERALES ARTES.



Quod

à Liberalibus Artibus accepisti

CLEMENS,

PONTIFEX MAXIME,

Ingenti reddis cum fœnore,

Orbis Magister.

Illæ in Tuum sinum

suas opes universas congesserunt;

Tu illis omnibus

Ingenium illud commodasti,

in quo exornando

tam feliciter versatæ sunt.

Ingens Tua, CLEMENS, laus est,  
quòd eas omnes Unus complexus sis.

Ingens ipsarum felicitas est,

quòd Omnes in Te uno

Principatum sint

adeptæ.



SA-

# SACRA SCRIPTURA.



Veritatis Magistra,  
quæ Divino ex ore prodiit,  
habitat in ore Pontificis.

Habitat verò solùm?

Per Basilicarum Sacraria resonans  
ingentem sui explicat pompam.

Quantus est

Religionis, ac Fidei splendor:  
quòd scripta mutis chartis oracula  
ita proferat, exponat, illustret  
Vivum Ecclesiæ Oraculum!



TEHO-

# THEOLOGIA.



Scholastico clarior pulvere,  
 ingenuâ concertatione robustior,  
 armis gaudet, non tam cultis ad ornatum,  
 quàm firmis ad Victoriâ.

Eadem sub

**CLEMENTE XI.**  
**PONTIFICE MAXIMO**  
 præestit, & sumit animos;  
 satis conscia

Qualem, quantumque Alumnum  
 Ipsa Romæ dederit;  
 Qualem, quantumque Divinitatis Interpretem  
 Roma Terris præfecerit.



## PHILOSOPHIA.



Beatas fore Respublicas,  
 collaudor saepebat Plato,  
 si autem Philosophi imperarent,  
 aut philosopharentur Imperatores.  
 Ultra Platonis Votum,  
 Christiana Respublica,  
 jam Principem tenes  
 perinde Gentibus salutarem, nexu  
 Sapientiæ, & Potestatis.  
 Ambæ duces ad Populi bonum:  
 Illa prodesse ut sciat,  
 Hæc, ut possit.



## . P O O T E O S I S .



Quam paulò liberio rem  
exclufit Plato,  
non minùs moribus adftrictam;  
quàm numeris admittit

CLEMENS.

Honestati, & pudori desponfa  
bicipitem suum Parnassum contemnit:

Cui Pontifex triplicem  
in fuis Montibus aperit Heliconem.

Ars audaciæ feliciffimæ,  
hoc folùm nomine

imparem fe fatetur votis fuis:

Quòd de CLEMENTIS Virtutibus  
fingendi locum non habet.



# RHETORICA.

*Ars est Rhetorice, CLEMENS exemplar, agendi  
Hic bene; dicendi quodlibet Illa bene.  
Allicit Hic animos; animos simul allicit Illa.  
Discrimen solū est: Hic facit; Hæc loquitur.*

Η ΕΥΦΡΑΔΙΑ ΕΔΛΗΝΙΚΗ

Εἰς τὴν Κλημένην τὴν Περὶ τῆς παιδείας ἀνέκδοτον

ὧς δὲ οἱ γράφοντες τὴν Ἀθανάσιον.

Idem latinè.

GRÆCA FACUNDIA.

*Græcia CLEMENTI dederas idioma: loquentem  
Aūdis? Ille Tibi reddit Athanasium.*

In idem.

Εἰς τὴν Κλημένην ὅπως τὴν γλῶσσαν ἐπίσταται

ὧς μόνον ἴσται ἡ ἑλλὰδος ἐπὶ Σοφοῖς.

Idem latinè.

*Sic græcè loqueris, CLEMENS; in Te redivivos  
Ut septem credat Græcia habere Sophos.*

CLE-



# CLEMENTI XI.

## PONTIFICI MAXIMO

### SYMBOLUM HEROICUM

Ramale ficcum, in Aaronis manu  
frondibus novis, floribusque  
pubescens.

### L E M M A

SUOS TERRÆ NON DEBET HONORES.

ARCA TE-  
STAMENTI..  
IN QUA VIR-  
GA AARON,  
QUÆ FRON-  
DUERAT .  
*Hebr. c. 9.*

NEC QUIS-  
QUAM SU-  
MIT SIBI HO-  
NOREM, SED  
QUI Voca-  
tura Deo,  
TANQUAM  
AARON .  
*Hebr. c. 5.*

*Fatalis donum cernis venerabile rami ,  
Quem præfert , sacri monumentum , & pignus honoris ,  
Isacidum lectus cælo monstrante Sacerdos .  
Non illum tellus mater , non fertilis arbor .  
Induit in florem : nativâ è stirpe recisus ,  
Floribus , & vernâ jam dudum fronde carebat :  
Nunc virides trudens reparato cortice gemmas ,  
Floribus insuetis sese baccisque coronat .  
Ite , brevis flores hortorum gloria , vosque  
Felices rami , quos dulci pondere curvat  
Aurea luxuries pomorum , & largior annus :  
Hunc terræ , curisque hominum debetis honorem :*

*Pro-*

Providus æstatem, & soles nisi cultor iniquos  
 Arceat, ac sævæ defendat frigora brama:  
 Ni memor observet, quæ tempora dextra colendi,  
 Quod quibus ingenium arboribus, quid floribus obsit;  
 Si quid peccet ager mendax, tellusve maligna  
 Difficilis fundi, culturam artemque recuset:  
 Ægros destituet color, & sua gratia flores  
 Ac steriles ramos arbor moritura dolebit.  
 At non iste hominum curas expectat, & artem,  
 Non stirpem laudat, non fertile surcalus arvum:  
 Floribus his alius vigor, & cælestis origo est.  
 Ergo non illos hiberno fidere duras  
 Decutiet Boreas, rapido non sirius æstu  
 Corrumperet; sacris penetralibus abdita longum  
 Durabit, viridesque diu retinebit amictus  
 Florea virga: SUOS TERRÆ NON DEBET HONORES.

Sint alii, vanæ quos fallax gratia plebis,  
 Quos usus rerum prudens, gnarusque futuri,  
 Aut vegeta & curis non impar grandibus ætas,  
 Formaque, & Angustæ majestas addita fronti,  
 Atque aliæ, ditis naturæ munera, dotes,  
 Primâ pastores populorum in sede locarint:  
 Te, CLEMENS, quamvis Itale justissima gentis  
 Gratia, virtuti quâ non solertior ulla est,  
 Et famæ pretium, detracto ponere fuco;  
 Clara vetusque licet series commendet avorum,  
 Et spectata fides, rebusque experta gerendis;

Tam

Tam faciles aditus, tam blanda copia linguae;  
 Imperio frons digna, Orbi mens aqua ferendo;  
 Et prestans, longi merces doctrina laboris:  
 Non tamen illa tuae fuerit pars optima laudis.  
 Dotibus hic aliis locus est, quae gloria floret  
 Vera, nihil Studiis hominum, & popularibus auris,  
 Nil generi, aut iusto gaudens debere favori.  
 Te solidae pietas mentis, te conscia recti  
 Supra humiles terras virtus & inania longè  
 Attollit decora: haec fortes ad grandia sensus  
 Delatoque pares animos inspirat honori.  
 Illa tuis pondus verbis & nutibus addit;  
 Seu sacro è folio populis oracula dictas,  
 Commissamque gregem Divini nectare pascis  
 Eloquenti: seu das Patribus responsa vocatis,  
 Consiliisque vices rerum, & momenta gubernas;  
 Immensamque agitas, ut mens in corpore, molem.  
 Haec, inter dubiae motus, & lubrica sortis  
 Tempora, te forti constantem pectore, praestat;  
 Et, quamvis trepident ac nutent omnia, rectum.

Sic per se floret CLEMENTIS Gloria: major  
 Fortunâ sic ipse suâ, rebusque caducis  
 Altior, externae ludibria splendida pompa,  
 Et famam, & fragiles titulos, alienaque spernit  
 Ornamenta: SUOS TERRÆ NON DEBET HONORES.

# Alluvio Tiberina C L E M E N T I S

LAUDES PRÆDICAT.


*Dum ripas superat victrix, dum victa recedit,  
Obsequitur, CLEMENS, Tibridis unda Tibi.  
Sorte sua felix, tumuit, Te Principe, primum:  
Detumet imperiis obsequiosa Tuis.*

## I N I D E M.

*In Dominum Populi incensos imitatur amores;  
Dum fervet rapidis maximus Amnis aquis.  
Compositis refilit cum sponte modestior undis,  
Ediscit mores Ille referre Tuos.*

## I N S T E M M A G E N T I L I T I U M.

*Stemma dedit Tria Regna Tibi: nam cœrula Pontum,  
Tellurem montes, astra dedere Polum.*



*Palladis hac olim CLEMENS adolevit in aula  
Hoc satis est: majus non habet ista decus.*




---

ROME, Ex Typographia Jo. Jacobi Komarek Bohemi. MDCCCLIII.  
propè Turrim Grilli. Superiorum permissu.

MAG 2016060





